

**O‘ZBEKISTON RESPUBLIKASI
VAZIRLAR MANKAMASINING
QARORI**



**ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН**

« 22 » апрель 20 19 у.

№ 343

Toshkent sh.

**Ўзбекистон Республикаси Халқ таълими вазирлиги тизимидаги
умумий ўрта таълим муассасаларида пуллик таълим хизматларини
кўрсатиш тартиби тўғрисида низомни тасдиқлаш ҳақида**

Ўзбекистон Республикаси Президентининг “Ёшларни маънавий-ахлоқий ва жисмоний баркамол этиб тарбиялаш, уларга таълим-тарбия бериш тизимини сифат жиҳатидан янги босқичга кўтариш чора-тадбирлари тўғрисида” 2018 йил 14 августдаги ПҚ–3907-сон қарори ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикаси Халқ таълими вазирлиги тизимидаги умумий ўрта таълим муассасаларида пуллик таълим хизматлари кўрсатиш тартиби тўғрисида низом иловага мувофиқ тасдиқлансин.

2. Ўзбекистон Республикаси Халқ таълими вазирлиги манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

3. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари А.А. Абдуҳақимов ва Ўзбекистон Республикаси халқ таълими вазири Ш.Х. Шерматов зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2019 йил “22” _____ апрел даги
_____ 343 _____-сон қарорига
илова

**Ўзбекистон Республикаси Халқ таълими вазирлиги тизимидаги
умумий ўрта таълим муассасаларида пуллик таълим хизматларини
кўрсатиш тартиби тўғрисида
НИЗОМ**

1-боб. Умумий қоидалар

1. Ушбу Низом Ўзбекистон Республикаси Халқ таълими вазирлиги тизимидаги умумий ўрта таълим муассасаларида (кейинги ўринларда мактаблар деб аталади) ўқувчилар учун ихтиёрийлик асосида ташкил этиладиган пуллик таълим хизматлари кўрсатиш тартибини белгилайди.

Пуллик таълим хизматлари зарур моддий-техника базаси ҳамда тегишли педагог ходимларга эга бўлган ёки тегишли мутахассис жалб қилинган ҳолда мактабларда ташкил қилиниши мумкин.

Бунда пуллик таълим хизматларини кўрсатиш ўқувчининг мактабларда ўқув дастури бўйича олиб бориладиган таълим-тарбия жараёнига халақит бермаслиги керак.

Мактабларида ўқувчилар учун ташкил этиладиган пуллик таълим хизматлари кўрсатиш ушбу Низомга 1-иловага мувофиқ схема бўйича кўрсатилади.

2. Мактабларда ташкил этиладиган қўшимча таълим беришга қаратилган пуллик таълим хизматлари мактабларнинг ўқув дастурларида назарда тутилмаган (давлат таълим стандартларидан ташқари) машғулотлар бўйича мактаб директори ва ўқувчиларнинг ота-онаси ёки уларнинг ўрнини босувчи шахслар (кейинги ўринларда буюртмачи деб аталади) ўртасида ушбу Низомга 2-иловага мувофиқ шаклда тузиладиган шартнома асосида кўрсатилади.

3. Мактабнинг ўқув дастурларида назарда тутилмаган (давлат таълим стандартларидан ташқари) машғулотлар бўйича пуллик таълим хизматлари кўрсатишга қаратилган йўналишлар (аниқ, ижтимоий-гуманитар, табиий фанлар, тўғараклар ва спорт секциялари) қонун ҳужжатларига мувофиқ ҳолда ташкил этилади.

4. Мактабларда ташкил этиладиган пуллик таълим хизматларига директор ва педагоглар томонидан ўқувчиларни мажбурий тарғибда жалб этилишига йўл қўйилмайди.

2-боб. Пуллик таълим хизматлари кўрсатишни ташкил этиш

5. Мактабларда пуллик таълим хизматлари кўрсатиш мактабларнинг пуллик таълим хизматлари кўрсатишни ташкил этиш бўйича йиллик режаси (кейинги ўринларда йиллик режа деб аталади) асосида ташкил этилади.

6. Йиллик режа мактаблар томонидан ҳар календарь йили бошлангунга қадар ушбу Низомга 3-иловага мувофиқ шаклда ишлаб чиқилади ва келишиш учун мактабнинг Кузатув кенгашига (кейинги ўринда Кузатув кенгаши деб аталади) киритилади.

Йиллик режада таълим хизматлар тури (қўшимча таълим бериш йўналишлари), машғулотларни ўтиш вақтлари, дарс соатлари миқдори, ҳар бир соат учун тўланадиган нарх миқдори (бунда кам таъминланган оилаларнинг фарзандларига тўловлар умумий нарх миқдорининг 50 фоизи миқдорда белгиланади), битта гуруҳда машғулотларда қатнашувчиларнинг сони (35 нафар ўқувчидан кўп бўлмаган миқдорда), йўналишлар бўйича ўқитувчи ёки мутахассис Ф.И.О., машғулот ўтиш жойи (синфлар) кўрсатилади.

Буюрмачиларнинг талабларига кўра, ўқувчиларга индивидуал тарзда машғулотлар ўтказилиши мумкин.

7. Кузатув кенгаши ҳар календарь йилнинг бошида ўтказиладиган биринчи йиғилишда мактаб томонидан тақдим этилган келгуси йил учун йиллик режани кўриб чиқади ва тасдиқлайди.

Йиллик режа Ўзбекистон Республикаси Халқ таълими вазирлигининг Интернет жаҳон ахборот тармоғидаги расмий веб-сайти ёки мактабларнинг расмий веб-сайтларига жойлаштирилади.

8. Мактабда пуллик таълим хизмат кўрсатишга, биринчи навбатда, шу мактабда фаолият юритаётган ўқитувчилар шартнома асосида жалб этилади.

Буюртмачилар томонидан келиб тушадиган маблағлар (лекин 50 фоизидан кам бўлмаган миқдори) ўқитувчиларга ҳақ тўлашга йўналтирилиши мумкин. Бунда қонунчиликда белгиланган солиқлар ва бошқа мажбурий тўловлар мазкур суммадан чегириб олинади.

9. Таълим хизматлари нархлари Кузатув кенгаши билан келишилган ҳолда мактаб директори томонидан тасдиқланади.

10. Пуллик таълим хизматлари кўрсатиш тўғрисидаги шартнома бўйича тўловлар белгиланган тартибда банклар орқали мактабнинг Ўзбекистон Республикаси Молия вазирлигининг тегишли фазначилик бўлимларида очилган шахсий фазначилик ҳисобварақларига нақд пул ёки пул ўтказиш йўли билан амалга оширилади.

Буюртмачи томонидан пул маблағларини нақд пул ёки пул ўтказиш йўли орқали тўланишидан қатъий назар, мактабда амалга оширилиши қатъян тақиқланади.

11. Пуллик таълим хизматлари кўрсатишдан тушган маблағлар харажатлар тури бўйича шартнома асосида пуллик таълим хизматлари кўрсатиш мақсадида жалб этилган ўқитувчиларга тўланадиган тўловлар, солиқ ва бошқа мажбурий тўловлар, машғулотларни ташкил этиш учун моддий-техник таъминот харажатлари қоплангандан сўнг мактабнинг раҳбар ва педагог ходимларини моддий рағбатлантиришга ва бошқа харажатларга Кузатув кенгаши билан келишилган ҳолда йўналтирилади.

3-боб. Пуллик таълим хизматлари кўрсатишда томонларнинг ҳуқуқлари ва мажбуриятлари

12. Пуллик таълим хизматлари кўрсатувчи мактаб:

пуллик таълим хизматлари кўрсатиш доирасида ўқув режаси ва дастурлари, мактаб ички қондалари, тартиб ва талаблари, машғулот жараёнида ўқув интизомига риоя этишини, ўқитувчиларга хурматда бўлиш ҳамда мактаб мулкани ҳимоя қилишни талаб қилиш;

буюртмачидан шартномада белгиланган тўловларни ўз вақтида тўлашни талаб қилиш ва ушбу талаб бажарилмаса, ўқувчини пуллик таълим хизматлари бўйича машғулотлардан четлаштириш ҳуқуқига эга.

Пуллик таълим хизматлари кўрсатувчи мактаб қонун ҳужжатларига мувофиқ бошқа ҳуқуқларга ҳам эга бўлиши мумкин.

13. Пуллик таълим хизматлари кўрсатувчи мактаб:

машғулотларни мактабдан ташқари давлат таълим стандарти, пуллик таълим хизматлари кўрсатиш доирасида ўқув режаси ва дастурларига мувофиқ ташкил этишга;

машғулотлар жараёнларига малакали ўқитувчиларни жалб этиш, илғор таълим технологияларини, замонавий компьютер ва ахборот-коммуникация технологиялари ва воситаларини жорий этишга;

ўқувчида билим олиш салоҳиятини шакллантириш мақсадида ўқув режасига қўшимча равишда турли интерактив дарслар ташкил этишга;

машғулотларда ўқувчига мактабнинг мавжуд ўқув-услубий, ахборот-ресурс ва моддий-техника базасига мувофиқ ўқиш учун барча зарур шарт-шароитларни яратишга;

машғулотлар учун белгиланган тўлов миқдори тўғрисидаги маълумотни ўз вақтида (ўқув жараёни бошланишидан 10 кун олдин) буюртмачиларга етказиш ва уларни белгиланган тартибда кўрсатиладиган пуллик таълим хизматлари шартлари билан таништиришга мажбур.

Пуллик таълим хизматлари кўрсатувчи мактаб қонун ҳужжатларига мувофиқ бошқа мажбуриятларни ҳам олиши мумкин.

14. Буюртмачи:

кўрсатиладиган пуллик таълим хизматлари, шу жумладан ўқув режалари ва дастурлари, ўқувчиларни баҳолаш тартиби ва мезонлари билан танишиш;

тузилган шартномага мувофиқ мактабдан ўқувчининг танлаган таълим йўналиши бўйича пуллик таълим хизматлари кўрсатишни талаб қилиш, тегишли ўқитувчилардан маслаҳатлар сўраш ҳуқуқига эга.

Буюртмачи қонун ҳужжатларига мувофиқ бошқа ҳуқуқларга ҳам эга бўлиши мумкин.

15. Буюртмачи:

кўрсатилаётган пуллик таълим хизматларининг бир календарь ойи учун белгиланган тўлов миқдорини шартнома талабларига мувофиқ тўлиқ ҳажмда ва ўз вақтида тўлаш, тўлов ҳужжати нусхасини эса машғулотлар бошланишидан олдин мактаб маъмуриятига тақдим этишга;

шартнома талабларига сўзсиз амал қилиш мақсадида ва шартномада кўрсатилган қўшимча таълим ва бошқа хизматлардан фойдаланиш учун ўқувчининг дарсларга мунтазам равишда қатнашишини таъминлашга;

ўқувчи томонидан мактабининг мулкига етказилган моддий зарарни қоплашга мажбур.

Буюртмачи қонун ҳужжатларига мувофиқ бошқа мажбуриятларни ҳам олиши мумкин.

4-боб. Яқунловчи қоидалар

16. Кузатув кенгаши мунтазам (бир йилда камида 2 марта) ўқувчилар ва буюртмачилар ўртасида мактаб томонидан кўрсатилаётган пуллик таълим хизматлари сифатини аниқлаш мақсадида ушбу Низомга 4-иловага мувофиқ сўровнома ўтказиб боради.

17. Ўзбекистон Республикаси Халқ таълими вазирлиги ва бошқа ваколатли давлат органлари мактабларда пуллик таълим хизматларининг ташкил этилиши ва тушган маблағлар юзасидан қонун ҳужжатларида белгиланган тартибда назорат олиб боради.

18. Ушбу Низом юзасидан келиб чиқадиган низоли масалалар қонун ҳужжатларида белгиланган тартибда ҳал этилади.

Ўзбекистон Республикаси Халқ таълими вазирлиги
tizимидаги умумий ўрта таълим муассасаларида пуллик
таълим хизматлари кўрсатиш тартиби тўғрисида низомга
1-илова

Ўзбекистон Республикаси Халқ таълими вазирлиги тизимидаги умумий ўрта таълим
муассасаларида ташкил этиладиган пуллик таълим хизматлари кўрсатиш
СХЕМАСИ



Ўзбекистон Республикаси Халқ таълими
вазирлиги тизимидаги умумий ўрта таълим
муассасаларида пуллик таълим
хизматларини амалга ошириш тартиби
тўғрисида низомга
2-илова

Пуллик таълим хизматларини кўрсатиш бўйича

_____ -сон
НАМУНАВИЙ ШАРТНОМА

20 ____ й. “ ____ ” _____

_____ (шартнома тузилган жой)
Устав асосида иш кўрувчи мактаб директори _____ (номи) тумани/шаҳри
_____ -сон _____ (мактаб рақами/номи) _____ (директорнинг Ф.И.О.) кейинчалик “Мактаб” деб юритилувчи,
бир томонидан _____ (ота-она ёки уларнинг ўринини босувчи шахснинг Ф.И.О.) номидан ўқувчининг манфаатларини
ифода этувчи _____ (ўқувчи Ф.И.О. синф) кейинчалик “Буюртмачи” деб юритилувчи,
иккинчи томонидан, мазкур шартномани қуйидагилар тўғрисида туздилар:

1. ШАРТНОМА ПРЕДМЕТИ

1.1. Ушбу шартнома ўқув дастурларида назарда тутилмаган машғулотлар бўйича қўшимча пуллик хизматлар (аниқ, ижтимоий-гуманитар, табиий фанлар), жумладан, тўгарак ҳамда спорт секцияларини ташкил этиш муносабатларни тартибга солади.

2. МАКТАБНИНГ ҲУҚУҚ ВА МАЖБУРИЯТЛАРИ

2.1. Мактабнинг ҳуқуқлари:

Ўқувчидан ўқув режаси ва дастурлари, мактаб ички тартиб-қоидаларига риоя этишини талаб қилиш;

Дарс жараёни вақтида ўқувчидан ўқув ва ижро интизомига қатъиян риоя этишини талаб қилиш;

Ўқувчидан ижтимоий фаоллик, ташаббускорлик, устоз ва мураббийларни ҳурмат қилишни, мактаб мулки, нуфузини ҳимоя қилишни талаб қилиш;

Буюртмачидан мазкур шартномада белгиланган тўловларни ўз вақтида тўлашни талаб қилиш, акс ҳолда ўқувчини қўшимча машғулотлардан (дарслардан) четлаштириш.

2.2. Мактаб мажбуриятлари:

Давлат таълим стандарти, ўқув режаси ва дастурларига мувофиқ мактабда ўқувчини ўқитишни ташкил этиш;

Мактабда қўшимча машғулотлар жараёнларига малакали ўқитувчиларни жалб этиш, илғор педагогик технологияларни, замонавий компьютер ва ахборот-коммуникация технологиялари ва воситаларини жорий этиш;

Ўқувчида билим олиш салоҳиятини шакллантириш мақсадида ўқув режасига қўшимча равишда турли интерактив дарсларни ташкил этиш;

Қўшимча машғулотларда ўқувчига мактабнинг мавжуд ўқув-услубий, ахборот-ресурс ва моддий-техника базасига мувофиқ ўқиш учун барча зарур шарт-шароитларни яратиш;

Қўшимча машғулотлар учун белгиланган тўлов миқдори тўғрисидаги маълумотни ўз вақтида (ўқув жараёни бошланишидан 10 кун олдин) буюртмачиларга етказиш ва уларни белгиланган тартибда кўрсатиладиган пуллик хизматлари шартлари билан таништириш;

Ушбу шартномага асосан ўқувчи пуллик хизматлар асосида қуйидагилар билан таъминланади:

а) _____ (соатлар миқдорини кўрсатилади)

ҳажмда _____ (кўрсатиладиган хизматлардан келиб чиқиб тўлдирилади)

3. БУЮРТМАЧИНИНГ ҲУҚУҚ ВА МАЖБУРИЯТЛАРИ

3.1. Буюртмачининг ҳуқуқлари:

Мақтабдан ўқувчига танлаган замонавий тараққиёт даражасига мос келувчи билим ва кўникмаларни беришни талаб қилиш, тегишли ўқитувчилардан маслаҳатлар сўраш;

3.2. Буюртмачининг мажбуриятлари:

Кўрсатилаётган жами қўшимча пуллик хизматлар бир календарь оғи учун белгиланган тўлов миқдорини мазкур шартнома талабларига мувофиқ мактабга тўлиқ ҳажмда ва ўз вақтида тўлаш;

Мазкур шартнома талабларига сўзсиз амал қилиш мақсадида ва шартномада кўрсатилган қўшимча таълим ва бошқа хизматлардан фойдаланиш учун ўқувчининг дарсларга мунтазам равишда қатнашиши назоратини таъминлаш;

Ўқувчи томонидан мактаб мулкига етказилган моддий зарарни қоплаш.

4. МОЛИЯВИЙ ШАРТЛАР

4.1. Кўрсатилаётган жами қўшимча пуллик хизматлар бир календарь оғи учун сўм

(сумма рақам ва сўз билан)

маблаг миқдорини ташкил этади.

4.1.1. Шу жумладан, ушбу шартномада кўрсатилган қўшимча машғулотлар учун тўланадиган маблаг қуйидаги миқдорда белгиланади (хизматлар турлари бўйича):

а) _____ - _____ сўм;

(хизмат номи)

(хизмат нархи)

б) _____ - _____ сўм;

(хизмат номи)

(хизмат нархи)

в) _____ - _____ сўм.

(хизмат номи)

(хизмат нархи)

4.2. Тўлов ҳар оғининг 5 (бешинчи) санасидан кечикмаган ҳолда, буюртмачи томонидан 100 (юз) фоиз олдиндан амалга оширилади. Тўлов банклар орқали мактабнинг тегишли фазначилик бўлимларида очилган шахсий фазначилик ҳисобварақларига нақд пул ёки пул ўтказиш йўли билан амалга оширилади.

4.3. Ушбу шартнома бўйича тўлов тури буюртмачи томонидан ташланади.

4.4. Кўрсатилаётган қўшимча пуллик хизматларнинг тўлов миқдори энг кам иш ҳақи ўзгаришига мос равишда ўзгаради.

4.5. Ушбу шартноманинг 4.1. ва 4.2.-бандларига мувофиқ қўшимча пуллик хизматлар учун тўлов буюртмачи томонидан ўз вақтида амалга оширилмаса, ушбу шартнома бекор қилиниб, ўқувчи қўшимча машғулотлардан (дарслардан) четлаштирилади.

4.6. Ўқувчининг касаллиги ёки бошқа асосли сабаб ва ҳолатларда, буюртмачининг ёзма аризасига биноан ушбу шартнома бекор қилинади ва хизматларни кўрсатилмаган қисми учун олдиндан тўланган тўлов қайтарилади.

4.7. Ўқувчи машғулотларни сабабсиз қолдирган ҳолатларда буюртмачига хизматлар учун олдиндан ўтказилган тўловлар қайтарилмайди.

5. ШАРТНОМАНИНГ АМАЛ ҚИЛИШ МУДДАТИ

5.1. Шартнома томонлар уни имзолаб, мактаб ҳисобрақамига буюртмачи томонидан қўшимча таълим ва бошқа пуллик хизматлар учун тўловлар амалга оширилгандан сўнг кучга киради ва тарафлар мажбуриятларни тўлиқ бажаргунга қадар амал қилади.

6. ШАРТНОМАНИ БЕКОР ҚИЛИШ ҲОЛАТЛАРИ

6.1. Қуйидаги ҳолларда шартнома бекор қилинади:

тарафларнинг келишувига мувофиқ;

ўқувчи мактабда ўрнатилган тартибга мувофиқ мактаб директорининг буйруғига асосан қўшимча машғулотлардан (дарслардан) четлаштирилганда;

томонлардан бири шартнома шартларини бажармаганда;

узрли сабаблар билан буюртмачининг ёзма аризасига кўра;

қонун ҳужжатларида кўрсатилган бошқа ҳолларда.

7. БОШҚА ШАРТЛАР

7.1. Ушбу Шартномадан келиб чиқадиган низолар қонун ҳужжатларида белгиланган тартибда кўриб чиқилади. Агар низоларни тинч йўл билан ҳал этишнинг иложи бўлмаса, низо қонун ҳужжатларида белгиланган тартибда судда кўриб чиқилади.

7.2. Ушбу Шартномада ёзма равишда бажарилган ва икки томонлама имзоланган барча иловалар, қўшимчалар ва ўзгартиришлар шартноманинг ажралмас қисми бўлади ва юридик кучга эга деб ҳисобланади.

7.3. Шартнома тенг юридик кучга эга бўлган икки нусхада тузилади. Шартноманинг бир нусхаси мактабда, иккинчи нусхаси буюртмачида сақланади.

8. Томонларнинг манзили, банк реквизитлари ва бошқа маълумотлари:

“МАКТАБ”

“БУЮРТМАЧИ”*

Мактаб директори: _____
(Ф.И.О)

Ота-она (ёки ташкилот раҳбари): _____
(Ф.И.О)

(имзо)

(имзо)

Юристконсулт: _____
(Ф.И.О)

(имзо)

Ўзбекистон Республикаси Халқ таълими
вазирлиги тизимидаги умумий ўрта таълим
мактабларида ўқувчилар учун ташкил
этиладиган пуллик таълим хизматларини
амалга ошириш тартиби тўғрисида низомга
4-илова

**Умумий ўрта таълим муассасаларида пуллик таълим
хизматлар сифати бўйича
СЎРОВНОМА**

I. Ўқувчилар учун саволлар:

- 1) кўшимча таълим машғулотлари қизиқарли ўтиладими? (ха/йўқ)
- 2) машғулот олиб бораётган ўқитувчи Сизни қаноатлантирадими?
(ха/йўқ)
- 3) кўшимча таълим олишингиз асосий фанларни ўзлаштиришингизга
қандай таъсир кўрсатмоқда? (қониқарсиз, яхши, аъло);
- 4) кўшимча таълим бераётган ўқитувчининг дарс ўтишини қандай
баҳолайсиз? (қониқарсиз, яхши, аъло);

II. Ота-оналар учун саволлар:

- 1) фарзандингизни кўшимча машғулотларга бўлган қизиқишини
қандай баҳолайсиз? (қониқарсиз/яхши);
- 2) фарзандингизни кўшимча машғулотлардан олаётган билимлари
асосий фанларни ўзлаштиришда қандай таъсир кўрсатмоқда? (қониқарсиз,
яхши, аъло);
- 3) кўшимча таълим бераётган ўқитувчининг фаолиятини қандай
баҳолайсиз? (қониқарсиз, яхши, аъло);
- 4) кўшимча пуллик таълим хизматлари учун белгиланган нарх Сизни
қаноатлантирадими? (ха/йўқ).